

skupština, upravnih i nadzornih odbora direkcija, zavoda, javnih ustanova, javnih preduzeća i drugih institucija čiji osnivač je Kanton, grad ili općina na teritoriji Kantona ili u kome Kanton, grad ili općina na teritoriji Kantona učestvuju sa više od 50% ukupnog kapitala, kao i druga lica, koja su izabrana i imenovana ili je za njihov izbor ili imenovanje data saglasnost od strane zakonodavnog organa Kantona ili gradskih/ općinskih vijeća, Vlade Kantona (u daljnjem tekstu: Vlada), gradonačelnika ili općinskog načelnika;“.

U tački d) iza riječi: „zamjenici pravobranioca“ dodaje se interpunkcijski znak zarez i riječi: „direktor Uprave policije USK, načelnici sektora Uprave policije USK i načelnici policijskih uprava.“

Tačka f) mijenja se i glasi:

„f) „institucija“ u smislu stava (1) tačke b) ovog člana je svaki organ državne službe, javno preduzeće, javna ustanova, agencija, fond, zavod i drugi pravni subjekt sa svojstvom pravnog lica, koji vrši javna ovlaštenja i čiji osnivač je Kanton, grad ili općina na teritoriji Kantona ili u kome Kanton, grad ili općina na teritoriji Kantona učestvuju sa više od 50% ukupnog kapitala;“.

Iza tačke f) dodaje se nova tačka g) koja glasi:

„g) „ostalim imenovanim licima“ smatraju se lica zaposlena u institucijama iz tačke f) ovog člana imenovana u komisije ili radna tijela i koja ostvaruju godišnju naknadu za rad u tim tijelima u visini najmanje dvije prosječne plate u Federaciji BiH prema posljednjem objavljenom statističkom podatku za godinu u kojoj su te naknade ostvarene, bez obzira da li je to imenovanje izvršeno u instituciji u kojoj su zaposlena ili drugoj instituciji iz tačke f) ovog člana;“.

Dosadašnje tačke g), h), i), j), k), l) i m) postaju tačke h), i), j), k), l), m) i n).

Iza tačke n) dodaju se tačke o) i p) koje glase:

„o) „kašnjenje u prijavljivanju imovine“ postoji u slučaju da je prijava imovine dostavljena Uredu u periodu do tri mjeseca od isteka roka iz člana 9., 10., 11. i 11a. ovog Zakona;

p) „neprijavljivanje“ postoji u slučaju da prijava imovine nije uopće dostavljena Uredu ili u

slučaju da je dostavljena Uredu u periodu dužem od tri mjeseca od isteka roka iz člana 9., 10., 11. i 11a. ovog Zakona.“

Član 3.

U članu 6. iza stava (4) dodaju se novi stavovi (5), (6) i (7) koji glase:

„(5) Pored Registra iz stava (3) ovog člana, Ured je ovlašten da uspostavlja i vodi druge registre i evidencije kojima se unapređuje efikasnost i osigurava transparentnost rada institucija.

(6) Institucije u kojoj lica iz člana 4. obavljaju javnu funkciju, odnosno poslove rukovodećeg državnog službenika dužne su u aktima o imenovanju ili razrješenju, odnosno postavljenju, rasporedu na drugo radno mjesto ili prestanku radnog odnosa naznačiti obavezu podnošenja prijave imovine u skladu sa odredbama ovog Zakona.

(7) Institucije su dužne jedan primjerak akta iz stava (6) ovog člana dostaviti Uredu u roku od 15 dana od dana njegovog donošenja.“

Član 4.

U članu 10. Zakona riječi “31. januara” zamjenjuju se riječima “31. marta”.

U istom članu iza stava (1) dodaje se novi stav (2) koji glasi:

„(2) Lica iz člana 1. Zakona koja obavljaju više javnih funkcija koje podliježu obavezi prijavljivanja imovine, podnose jednu godišnju prijavu imovine za sve funkcije uz obavezu da u obrascu prijave navedu sve funkcije koje obavljaju i tačan datum početka i prestanka obavljanja svake funkcije.“

Član 5.

U članu 11a. iza stava (3) dodaje se stav (4) koji glasi:

„(4) Odredbe stava (1), (2) i (3) ovog člana shodno se primjenjuju i na bliske srodnike nosioca javnih funkcija i rukovodećih državnih službenika, bez obzira da li sa njima žive u zajedničkom domaćinstvu.“

Član 6.

Iza člana 11a. dodaje se novi član 11b. koji glasi:

„Član 11b.

(Izuzeci od obaveze dostavljanja prijave imovine)

(1) Članovi školskih odbora koji tu funkciju obavljaju bez naknade izuzeti su od obaveze prijavljivanja imovine iz člana 9., 10. i 11. Zakona.

(2) Za lica iz stava (1) ovog člana, institucija dostavlja Uredu kopiju akta o imenovanju, odnosno razrješenju u roku iz člana 6. stav (7).

(3) Ured može, kada to smatra potrebnim, zatražiti od lica iz stava (1) ovog člana da na način utvrđen u članu 9., 10. ili 11. ovog Zakona dostave popunjen obrazac prijave u roku od 30 dana od dana prijema zahtjeva od strane Ureda.

(4) Lica iz člana 1. ovog Zakona koja su preuzela javnu funkciju, odnosno koja su postavljena na radna mjesta iz člana 11. stav (1) tačka a) Zakona o državnoj službi u Unsko-sanskom kantonu u periodu od 1. 10. do 31. 12. i koja u roku iz člana 9. dostave prijavu imovine prilikom preuzimanja dužnosti, izuzeta su od obaveze dostavljanja godišnje prijave imovine za godinu u kojoj su preuzeli dužnost, odnosno u kojoj su postavljena na radna mjesta rukovodećih državnih službenika.

(5) Lica iz člana 1. ovog Zakona koja u roku iz člana 11. dostave prijavu imovine poslije završetka dužnosti, mandata ili razrješenja, izuzeta su od obaveze dostavljanja godišnje prijave imovine za godinu u kojoj im je prestala javna funkcija, odnosno status rukovodećeg državnog službenika iz člana 11. stav (1) tačka a) Zakona o državnoj službi u Unsko-sanskom kantonu.“

Član 7.

Iza člana 15. dodaje se novi član 15a. koji glasi:

„Član 15a.

(Istinitost podataka)

Nosilac javne funkcije i rukovodeći državni službenik odgovoran je za istinitost i potpunost podataka o imovini iz člana 8. Zakona i poklonima, izvorima sredstava i načinu sticanja navedenog.“

Član 8.

U članu 16. stav (1) tačka e) iza riječi „porijeklo“ nakon zareza dodaju se riječi „godinu sticanja,“.

Član 9.

U članu 17. stav (1) mijenja se i glasi:

„(1) Izgled i sadržaj obrasca prijave iz člana 16. i obrasca iz člana 11. stav (2) propisuje Ured.“

Član 10.

Iza člana 17. dodaje se novi član 17a. koji glasi:

„Član 17a.

(Elektronska prijava)

(1) Kada se za to stvore tehničke pretpostavke, Ured će omogućiti da se prijava imovine može podnositi na elektronskom obrascu u skladu sa odredbama Zakona o elektronskom potpisu BiH.

(2) Uputstvo o načinu podnošenja elektronskih prijava donosi Ured.“

Član 11.

U članu 18. iza stava (4) dodaje se novi stav (5) koji glasi:

„(5) U slučaju sumnje u istinitost podataka iz izjave iz člana 11. stav (2) Zakona Ured je ovlašten da izvrši kontrolu imovine stečene pet godina nakon završetka funkcije, odnosno postavljenja, rasporeda na drugo radno mjesto ili prestanka radnog odnosa.“

Član 12.

Član 21. mijenja se i glasi:

„Član 21.

Na postupak za primjenu sankcija za kršenje ovog Zakona primjenjuju se odredbe Zakona o prekršajima u Federaciji Bosne i Hercegovine.“

Član 13.

U članu 22a. stav (1) mijenja se i glasi:

„(1) Nosilac javne funkcije, odnosno rukovodeći državni službenik kaznit će se:

- a) novčanom kaznom od 500 do 1.000 KM za neopravdano kašnjenje u prijavljivanju imovine prilikom preuzimanja dužnosti ili postavljenja na radno mjesto rukovodećeg državnog službenika (član 9.), neopravdano kašnjenje u godišnjem prijavljivanju imovine (član 10.) ili neopravdano kašnjenje u prijavljivanju imovine poslije prestanka funkcije, mandata,

